



HET ZORG- EN VEILIGHEIDSHUIS

Informashon pa profesjonal

Kiko ta e Kas di Kuido i Seguridat?

E Kas di Kuido i Seguridat Boneiru (ZVH, Zorg- en Veiligheidshuis Bonaire) ta un kolaborashon entre 14 organisashon for di kuido, enseñansa, gobièrnu (OLB) i hustisia. No ta un edifisio òf un fasilidat di akohida, sino un ret. Denter di Kas di Kuido i Seguridat Boneiru ta enfoká riba problemátika kompliká, ku hopi bia ta trese molèster i (un sintimentu di) inseguridat kuné.

E meta ta pa prevení residivismo i kaimentu sosial. Ta trata di problemátika di por ehèmpel violensia doméstiko, famianan multiproblemátiko, kriminalidat hubenil, i poskuido despues di detenshon. Aki no ta trata solamente di kriminalidat, sino tambe di persona i grupo ku ta kore e riesgo di kai bèk i e kousamentu di molèster. E balor èkstra di e koperashon ta den e enfoke ku ta superá e kadena, ku ta reforsá e enfokenan individual. Den esaki tur partner ta mantené nan propio responsabilidatnan (legal).



Kua organisashonnan ta afiliá?

E siguiente organisashonnan ta partisipá na e Kas di Kuido i Seguridat:

- Kuerpo Polisial Hulanda Karibense
- Scholengemeenschap Bonaire
- Sentro di ekspertisa Enseñansa i Kuido
- Jeugdzorg Hulanda Karibense (ZJCN)
- Mental Health Caribbean
- Aksesó
- Fundashon Rehabilitashon Hulanda Karibense
- Instituto Hudisial Hulanda Karibense
- Ministerio Pùbliko BES
- Voogdijraad Hulanda Karibense
- Entidat Pùbliko Boneiru
- Krusada
- Forma
- Asuntunan Sosial i Empleo



Kon e ta funshoná?

Denter di Kas di Kuido i Seguridat ta traha un manager di proseso i un direktor di kaso ku konhuntamente ta sòru pa e prekondishonnan pa yega na kolaborashon. E organisashonnan huntu ta forma un grupo di direkshon (na nivel di manager/direktor) i un deliberashon tokante kaso (na nivel di kolaboradó). For di e grupo di direkshon a forma un grupo di direkshon di núkleo den kua 8 organisashon ta representá ku ta esnan mas enbolví den e kasonan.

Den e grupo di direkshon ta entregá i diskutí pregunta stratégiko. E grupo di direkshon ta reuní mas o ménos dos bia pa aña. Den e grupo di direkshon núkleo ta palabrá pregunta táktiko i ta determiná tema pa e enkuentro di e grupo di direkshon. E grupo di direkshon núkleo ta reuní kuater bia pa aña. Den e deliberashon di kaso ta palabrá kaso kompliká i ta kompartí informashon pa yega na un bon plan huntu. Despues ta ehekutá e plan ei i regularmente tin feedback ta tuma lugá.



Kriterio pa mèldu kaso

Un kaso kompliká ku ta adekuá pa ZVH mester kumpli ku tres kriterio:

- ✓ Tin problema den vários área di bida. Esakinan (por) kondusí na molèster òf kondukta kriminal.
- ✓ Tin vários kadena i mas ku dos organisashon enbolví.
- ✓ E problemanan ta influenshá pa òf tin konsekuensha pa henter e famia òf e ambiente direkto di biba òf ta trata di problemátika lokal di seguridat ku ta pidi un enfoke ku ta surpasá un kadena.

Kon por registrá?

Bo por registrá kaso ku un formulario di registrashon via e persona di kontakto di bo organisashon ku ta partisipá na e deliberashon di kaso. Si bo mes organisashon no ta liá na e Kas di Kuido i Seguridat bo por tuma kontakto via justine.verschoor@aksesobon.com / +5997015271 òf marianne.schut@aksesobon.com / +5997015266.



Kiko ta sosodé despues di un registrashon?

Despues di un registrashon segun e kriterionan ta evaluá si e kaso ta adekuá pa trato den e deliberashon di kaso. Si esaki ta e kaso, mésora ta disidí un fecha pa deliberashon. Komo esun ku a mèldu, si ta deseabel bo por ta presente serka e deliberashon. Esun ku a mèldu ta keda e promé punto di kontakto pa e klientenan.

Tambe ta interkambiá informashon i ta palabrá akshon. Ta inkorporá esaki den un sistema di ICT bon sigurá. Si ta nesesario e direktor di kaso ta pèrkurá pa e kaso atrobe bini riba agènda den un deliberashon di kaso. Asina tin stabilitat den un kaso, e kaso ta bini riba un lista di sombra. Despues di seis luna e kaso ta bini bèk riba agènda i ta mira si por terminé. Despues di terminashon ta evaluá e kaso. Un aña despues di terminashon ta saka e datonan for di e sistem.



Kon bo ta keda na altura?

Tur partisipante na e deliberashon di e kaso por mira den e sistema den kua ta warda e informashon. Nan por mira kon ta pará ku e kontinuashon di e kasonan den kua nan ta enbolví i nan ta haña informashon nobo tambe. Nan por pone bo na altura di e situashon den e kaso ku a trese aden. Si bo ta traha na un instansha ku no ta afiliá, bo por keda na altura via e manager di proseso òf via e direktor di kaso.

Privasidat

Tur organisashon afiliá a firma un kombenio di kolaborashon i un protokòl di privasidat. Ta interkambiá solamente informashon ku ta nesario pa e meta di e deliberashon. E informashon ku ta interkambiá den e deliberashon di e kaso ta konfidensial i pa kada partisipante un deber di sekresia ta na vigor. E organisashon registradó ta palabrá e notifikashon ku e kliente i ta pidi pèmit pa kompartí informashon ku un kantidat di partido. Aki e regla di privasidat di e organisashon kaminda esun ku a registrá ta traha ta na vigor.



